

沈雲龍編輯

明清史料彙編

第七集

第二冊

文海出版社

有限公司

印行

對客燕談

對

寄

燕

談

一

養

明清史料彙編七集目錄

第二冊


對客燕談	明·邵寶撰
萬曆三大征考	明·茅瑞徵著
天啓黃山大獄記	民國·程演生述
燼宮遺錄	明·佚名著

佛

道光己酉三月二十九日丁酉
吉辰戌刻展讀一遍以血書
佛字於首頁保護以免姪尼

英川魯鏡誌

坐礼居黃氏墨方賊孫兄手散逸重山
茶葉生人所抄以善便自之讀在辛
日歲護否
庚山教人何法



對客燕談

某十歲時聞張景深言昔人有以狀奏天欲減己年延母壽

者某感焉卽寫奏一通於前庭拜而焚之時塲橋諸老孟清

孟溥輩聞而索觀其稿予惶恐不敢出再三逼乃出之後并

焚稿成化己丑

蒿菴先生嘗謂某曰凡與人交其始必先觀其處父母兄弟

妻子如何此而或薄交必不終三四十年来驗之尤信成化

乙未

某十六歲時蒿菴先生授書經至禹貢某以撮要進先生取

而擲之曰他人讀撮要子須讀全文不聞徐武功治水成功

因熟禹貢故邪某時受讀甚難同輩皆笑之某獨心感後

漕至安平讀武功碑思之

某

十六歲時隨眾考入學時戴恭簡公以御史蒞之半試公

取卷讀之曰小秀才到會作文從何人讀書

某

對曰俞先生

公曰謂誰

某

曰監生俞

某

公作色曰此監生好但去年要科

舉便來見今年不要科舉便不來命縣官尋來先生至縣官以告公曰此非見賢地明日明倫堂見可也見畢公謂之曰昨日小秀才當教他多讀書此人他日有用亦不能忘君也先生應且謝而退

成化乙未

某

爲諸生時一日接太守至二更不至

某

謂同輩數人曰盍

且歸乎此非接官時也三更太守至明日金掌教徧責不在

者至

某

乃曰汝在

某

曰

某

不在金曰汝亦當責

某

曰當遂受

責於是應聲答不在受責者二十餘人皆曰寧受責無爲欺

愧邵某也某也 成化己亥

蔣汝惟深擅聲場屋久矣自甲午至庚子京兆曾公葢屢薦之庚子拆卷自第十七名起三拆得汝魯公謂西涯公曰汝在此矣但恨不高耳汝前尚有書五卷不知何人若蘇松常吾不能知舍此而他恐未能或之先也旣而通拆五卷果蘇松常人一爲吳鳳鳴華亭人二爲呂卣無錫人三爲某四爲朱昕江陰人五爲葉紳吳江人成化庚子

教諭金先生燦經學最熟某爲諸生嘗宣講焉而其門往來

人頗襍某又厭之先生每朔望及候上官必夙興坐堂上某

必先立鼓側先生於燈影下見之問謂誰某以名對先生召

與講凡書十章某能言其五卽時領悟者又二三蓋十居七

八先生曰人謂邵某經學功夫疏今乃不然自是每見某立

必召講每講必終一篇自辛亥冬至庚子春書經殆徧一口

先生與趙錫講王命予來一章錫對失旨某適自後堂出先

生曰汝來說某說已先生曰是也是歲應天試出此題某舉

筆思先生言益有定見成化庚子

某與友人丁年壽夫同試壽夫力疾畢三場歸數日死其祖

父怒其負已也塋之甚薄某買石爲文表其墓有薄棺無槨

淺土不墳之語其祖父聞之亦無異也此表陸懋成實書之

立石之日諸友會者二十餘人成化庚子

某會試下第與先師陳先生楊士瞻馮文卿同舟東還至開

河陳馮二僕皆病糧船阻舟不能前遂以小舟分載至濟寧
時先伯同行謂某曰時疫方作羣僕病如此而前聞且多不

如陸行達徐州爲便某以先生有病僕難行不忍捨去遂復

同舟而楊僕亦病某以序臥鄰病僕心獨危之而不敢言過

呂梁某忽發熱伯氏曰不信吾言今何如也晚酌酒數行明

日復常比歸四家喪僕凡五人成化辛丑

某之赴南雍也南京郁醫士雲時寓無錫以書一封白金二

十兩託某寄至其家某至其家遇一官出門問焉曰郁居樓

上某登樓見一少婦獨居子卽下樓婦亦隨下某謂之曰有

家書與白金在婦欲接之某曰須一男子來婦曰無某曰不

問大小但有一人可也婦呼鄰童至某以與之乃退月餘雲

還卽訪子學舍執禮甚恭某往荅訪款燕加厚成化壬寅

張御史世用一日置酒邀吾師西涯公及傅體齋吳莆田倪

青谿楊遂菴仲惟馨諸公小燕玄寧觀某與焉酒半世用以

王元章畫梅請題青谿卽起據案濡筆凝思莆田徐步階聞

作吟哦聲西涯公促仲馨某旣而青谿莆田各書畢世用促

西涯公公不應久之起步口詩卻在檻外乃書之指其後餘

紙曰此國賢地也世用以筆授某某曰今日諸老先生在此

小子何敢他日有別軸當奉命耳青谿聞之諦視良久不知

何意也成化甲辰

某之赴許也自瓜洲買小舟至淮安以前路手本索夫主者

客焉且曰坐此船非尊口夫須三日乃得某坐舟中忽韓知

府邦問

謁中貴至見予舟問焉舟人以

某

銜對韓曰無錫乎

舟人曰然韓曰吾正欲訪之語畢正立久之予起延入皇華亭拜坐語出則主夫者報夫齊矣韓去予索馬入訪中途問僕人曰李都憲夫人之弟許人也出迎跪謝不知予數語而退既上馬則從者皆鮮服非舊卒矣且有一官乘馬隨之間之曰侯公耳訪韓畢至西湖嘴登舟則見座舟不見所買舟矣蓋爲李都憲故半日閒人情三變如此

成化丙午

某至許每飯後坐堂便服而冠不束帶襲故也羣吏便服來白事予恠之欲加責焉旣而思已服之非乃止不責自是冠帶終日數日後吏皆巾服

成化丙午

有一富室故姻家也

某

初鄉舉時訪焉其翁

某

尊行特燕

某

俾南京樂工喬端者侍坐某恠之而不敢去旣而行令且曰

須得一監又曰吾有人矣喬克正喬克正某作色曰渠不敢

端亦踉蹌起立某心薄之越六年某舉進士翁之子某爲其

子請昏於長女某辭之請者問故某曰無家法或問何以見

之某曰樂工作監令一事足矣繼而求之百方某卒不許越

數年其家果以無家法敗成化丙午

許州鄉飲多雜客一二人尤甚某欲去之十月朔將行禮先

期用書命諸生敦請且戒前三日至諸生問故某曰吾聞有

德者必有言故欲其先至與之論德耳三人者聞之皆稱疾

不至禮畢某命禮生凡不至者勿復請成化丙午

某初得知州之命丁中書玉夫謂某曰先生赴許讀書工夫

當有閒否予曰顧政事繁簡何如耳王夫曰是何言也以某
觀之政事雖繁尙有半日可讀未幾陳刑部一夔來訪曰國
賢何乃作此俗官邪雖然也只要多讀書耳此外勸以書策
東高閣者同然一詞既至許一年楊君謙書自吳中來曰讀
書於政道甚有益若聽人說做官讀不得書則君一生誤矣
惟君留意遠業云云

成化丁未

涓川驛馬夫送使人至許州驛挂馬鞍於庭樹上飯畢出則
鞍已爲人竊去馬夫來告某令報對驛十家左右各十家每
家出一錢共三兩陪之人以爲不明也且大笑少頃鞍在樹
上同官問之某曰驛傍小盜居人皆知之但事非由已言之
恐生怨耳今使陪錢彼必指名切責鞍將安往

成化丁未

許州靈井人馬林失驢越一年鈞州人李奉牽驢過之驢入
林室問之曰吾驢買諸沙陀人陳智驢也兩爭至某攝陳智
至曰家產也情不能得某令林智分立東西庭縱驢中行之
驢至林前止不去智服盜罪弘治戊申

臨穎史經者以里長出入張知縣所張知縣尹天官故人也
貪縱無厭經助之鄉有被劫者經口報素有盜行者若干人
刑禁死者六人時上司置知縣不理問經以誣告人死罪因
而致死一人者律絞經言無告狀累經審讞皆以情重監禁
如故某至州經復奏行勘問忽弘治初

詔至釋至鬪歐殺人開讀之日予不得已釋之然實法也分
巡傳僉事希說檄行取審同官皆恐懼某卽爲公文俾凡同

官皆稱疾若公出獨

某

一人僉名其文略云經事方勘遇

詔釋之矣今檄審從詔從檄未知所從文至傳大怒竟亦無

如何也未幾巡按御史李公

隆

至同官益恐懼李至中途卽

問吏曰史經安在旣至問曰史經安在予對曰詔至釋之矣

李曰應釋未幾又問

某

對如前李又曰應釋

某

疑其反言也

少頃從容謂

某

曰吾在嵩縣山中偶想此事自謂子能釋此

人旣又恐子初仕未敢今果如吾前料此人法可疑不釋何

爲旣而案出備言應釋之故若代

某

言者同官始皆歎服

治戊申

某

考績吏部三原公爲尙書庭見公時謂

某

曰薛吏目何以

退

某

對曰受馬夫錢巡按去之公曰汝何厚贈

某

對曰此官